

Edizione diplomatico-interpretativa

	I
Contre le douc tans de mai. se doit chascuns es joir. mais jou q(i)cuier ai entier en plain. yuer chanterai. pleuue (et) noif ausi kier ai. con chans doisiaus aoir. tout me uient si aplainisir. q(e)ja ne mereqerrai. damours servir. pour mal souffrir. ?	Contre le douç tans de mai se doit chascuns esjoir, mais jou, qi cuer ai entier, en plain yver chanterai, pleuve et noif ausi kier ai con chans d'oisiaus a oir, tout me vient si a plaisir qe ja ne me reqerrai d'Amours servir pour mal souffrir, ?
	II
J aim toutans sans repentir. (et) tout ades ameraï. che li oumon cuer misai. si q(e)ne len puis partir. qant son uiaire remir. sa fachen (et) son cors gai. amours si bon gre ?en sai. q(e) ja pour nul mal souffrir. ne reqerrai de li servir.	J'aim toutans sans repentir et tout adés ameraï cheli ou mon cuer mis ai, si qe ne l'en puis partir; qant son viaire remir, sa fachen et son cors gai, amours si bon gré ?en sai qe ja pour nul mal souffrir ne reqerrai de li servir.
	III
Tresche q(e) joules gardai. premie rement aloisir. fui ie pris sans re venir. (et) encesté pel morrai. ja de cheste pel nistrai. or me puet faire morir. v mon seruiche merir. q(ant) ia ne me reqerrai. damours servir. pour mal souffrir.	Tres che qe jou l'esgardai premierement a loisir, fui je pris sans revenir et en ceste pel morrai, ja de cheste pel n'istrai, or me puet faire morir ?u mon serviche merir qant ja ne me reqerrai d'Amours servir pour mal souffrir.
	IV

Iou ne me puis plus tenir. de dire cou q(e) gi sai. ele a chief blond crepe (et) bai. sens pour tout lemont trair. maintien q(i)me fait fremir. cuer ?douc (et) auer (et) urai. he las pour koi lacointai. qant ja pour nul mal souffrir. nereqerrai de li servir.	Jou ne me puis plus tenir de dire cou qe g'i sai: ele a chief blond, crepe et bai, sens pour tout le mont trair maintien, qi me fait fremir, cuer douç et aver et vrai. He las! Pour koi l'acointai qant ja pour nul mal souffrir ne reqerrai de li servir?
	V
Se je sui en grant esmai. qel ne me ueille tolir chascuns q(i) la puet veir. Nule autre doutan che nai amours je me derue rai, se che uoles consentir kau ?tres ne porroit jouuir. cou dont ?jane reqerrai de li servir pour mal souffrir.	Se je sui en grant esmai qel ne me veille tolir chascuns qi la puet veir. Nule autre doutanche n'ai: Amours, je me derverai se che volés consentir, k'autres ne porroit jouuir cou dont ja ne reqerrai de li servir pour mal souffrir.

- letto 573 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-170>